



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

Qva Ratione Hic Labor Svsceptvs Est. §. j.

**urn:nbn:de:hbz:466:1-38372**

DE ANTIQVISSIMA  
ET ILLVSTRISSIMA

FAMILIA ROMANA,  
ANICIA, PROBA, OLYBRIA,  
PERLEONIA FRANGIPANIA,  
HABSVRGIA, AVSTRIA:

TRACTATVS.



QVA RATIONE HIC LABOR  
SVSCEPTVS EST.

§. j.

**S**OLENT interdum qui Principibus li-  
bros inscribunt, in exordio, ut ab illis  
gratiam ineant, ab vltima origine eorum  
generis, & antiquitatem, & laudes re-  
petere. Quos ego quamquam improbare non possum,  
hoc tamen loco minimè in omnibus sequi proposui.  
Cum enim consilium cœpisssem, quædam mea scripta  
Augustissimo Philippi II. Hispaniarum Regis poten-  
tissimi nomini inscribendi; non induxi animum res in  
pace, & bello præclarè gestas, aut singulares planeque  
regias virtutes, & cum virtutibus consentientes actio-  
nes eius explicare. Siquidem & annalium monumen-  
tis

tis

tis illa omnia esse mandata, & eiusdem diuinas actio-  
nes, à luculentissimis huius ætatis Scriptoribus consi-  
gnari, & monumentis mandentur, maxime intellige-  
bam. Illis igitur prætermisissis, generis eius tantum an-  
tiquitatem & originem, in præsentem tractare proposui:  
quippe quod nihil tam potentissimo Regi, Dei Opt. Max.  
beneficio, sicut uidemus, ad hæc tempora Imperio nato,  
possit addi, quo illustrior, & amplior esset, unius so-  
lummodo Familie suæ, eousque nobilissima & antiquis-  
sima, quæque genus ipsum à Regibus, ac Cæsaribus du-  
ctum, virtutibus prorsus Regiis maiorum suorum egre-  
gè conseruat, demonstratione, hætenus à multis ignorata  
(ob quorundam scriptorum ieiunorum planè somnia, qui  
ut sese in Principum animos insinuarent, de hac Illu-  
striss. familia multa apocrypha, & auctoritate prorsus  
carentia, excogitarunt) excepta. Hæc, ut à nobis deduce-  
tur, sicut multis noua & inaudita, quibusdam fortassis  
etiam uidebitur & incredibilis, eo quod S. P. N. Bene-  
dictum uidelicet, ac Principes Austriacos, uti in epi-  
stola dictum, ex eadem esse familia propagatos asserimus,  
et quos Progenitores ipse habuerit declarantes, ab iisdem  
etiam, succedente tempore, familiam Austriacam ma-  
nasse commonstramus. Speramus tamen fore, quod,  
cum propositi nostri capaces exstiterint, admiratione, que  
ex ignorantia procedere solet, reiecta, & omnis dubie-  
tatis scrupulo depulso, ipsi nobiscum sentire debeant.  
Id enim usu uenit in singulis hominibus, qui cum uir-  
tutes cuiusque cognouerint, tandem etiam de ætate per-  
contantur:

contantur: & postquam familiarum integram seriem,  
atque egregia facta perspexerint, antiquitatem quoque  
earum, & originem scire desiderant: & tunc demum  
utrobique acquiescunt, cum effectu suo dignam causam  
deprehenderint. Ad hanc autem provinciam, hacten-  
us intentatam, & humeris meis imparem, subeundam;  
multis quidem grauibus, & legitimis causis, acceden-  
te maxime RR. PP. meorum, quibus refragari im-  
pium reputabam, obedientia, impulsus sum; attamen  
nihil adeo acrius me exstimulauit ad originem S. P. N.  
Benedicti, totiusque Aniciae familiae, diligentius in-  
quirendam, ac gratitudinis ratio. Nam sane cum or-  
tus nostri partem patria, partem parentes, siue ij car-  
nales sint, siue spirituales, sibi uendicent: non im-  
merito prima cura debere uidetur cognoscendis maiori-  
bus nostris, quibus non modo patriam, sed & paren-  
tes etiam nostros, tam carnales, quam spirituales, ac-  
ceptos ferimus. Hi enim patriam ipsam in qua na-  
sceremur, & renasceremur, sanguine, & sudore suo  
nobis preparauerunt; Hi parentes nostros, tam car-  
ne, quam spiritu, progenerunt, qui eam ab illis acceptam  
industria sua excoltam, qualis nunc est per manus no-  
bis tradiderunt. Illis igitur propaginem, spiritum, Vi-  
tam ipsam: illis quicquid ingenuitatis (sunt enim &  
Religiosi Benedictini ingenui) dignitatis, nobilitatis,  
habemus; illis imagines nostras, illis insignia, illis  
gentilitia decora, & privilegia uniuersa debemus.  
Quibus proinde, ut omnis incolumitatis, faelicitatis,

¶

Et salutis nostra, geminis auctoribus indagandis, ac pro merito celebrandis, omne officium, studiumque nostrum gratitudinis ergo debemus. Nec vero puerile hoc studium aliquis existimet, aut quod ad inanem quandam ostentationem tantum suscipiatur; nam, et privatim quoque singulis hominibus conferet, cum non aliunde nobilitatis suae, certius documentum adducere quisquam possit, quam ex familiae suae antiquitate, et maiorum suorum imaginibus, quam altissima serie deductis. Quamuis autem in hoc negotio magnopere laborandum nobis necessarium fuerit, parum tamen id foret, si, quae vera nos esse arbitramur, ea solum proponenda esse putarem. Iam vero cum obstantibus opinionibus, dubijs, et controuersijs, ad veritatem aditus non pateat, nisi remotis falsis, praesentem tractatum in particulares quasdam partes, potissimum tres, secauimus. In quarum prima, eorum sententiam, qui Familiam Habsburgicam aliunde deducunt, falsam esse comprobabimus, et obiecta quaedam diluemus, quae à diuersis contra assertionem nostram opposita videntur. In secunda, sententiam nostram ab initio propositam prosequemur, ac dilucidis Testimonijs fidedignorum Historicorum, veram esse comprobabimus. In tertia Aniciae familiae antiquitatem, originem, seriem continuatam, eiusque in diuersas Familias sectionem, et diuisionem, aperte demonstrabimus. Ac profiteor equidem me inuitum admodum in hanc arenam protrudi, cum odiosum videri possit opinionem hanc Lazij

conuellerè , plurium Scriptorum suffragijs Lazio asti-  
pulantibus iam confirmatam , & multarum nationum  
tacito consensu receptam , ac Habsburgiorum ipsorum si-  
lento tam diuturno comprobata . Interim verò cum  
Veritas in historijs præcipuè spectanda sit , neque La-  
zio prodesse , neque nobis obesse debet silentium nostrum ,  
cum Veritas , temporis longitudine non præscribatur .  
Nam quod Lazio ex nostratibus nemo hætenus respon-  
derit , non rationum , sed Scriptorum penuria fecit ; cum  
nullus nostratium historicorum hætenus , quod equidem  
sciam , in lucem prodierit , præter Volaterranum , qui hanc  
Veritatem comprobare ausus fuerit . Igitur errores de  
Habsburgica familia , unde nati sint , Deo fauente , di-  
lucidè declarabimus . Quod quia citra cuiusquam con-  
tumeliam facturi sumus , hanc nobis gratiam à benigno  
Lectore præstari cupimus , ut patienti animo , quæ  
adferemus accipiat , & ubi acceperit , tum demum iu-  
dicet , & quod sibi legitime probatum esse senserit , se-  
positis affectibus , candidè retineat .

OPI